

錦繡萬花谷

二十

舊刊錦繡萬花谷

二十四冊

錦繡萬花谷卷第二十二

科舉

始置進士科

唐薛登疏曰古之取士考素行之碩詢鄉曲之學以敦朴為先刊文為後以計貢賢愚為州之榮辱李陵降而隴西慙于木隱而西河羨郤冀以禮遜升而晉人知禮文翁以經術教而蜀士多儒未有上行而下不從也漢之求士必觀其行魏取放達晉先門閥梁陳尚詞賦隋文納李諤之言禁浮詞煬帝始置進士科後生馳逐競綴小文名曰策學以浮為貴本傳

唐科

取士有三學館曰生徒州縣曰鄉貢天子自詔曰制舉選舉志

南院東墻

唐舊制都省考試南院放榜南院東墻別築起一堵高丈餘未辨色自北院將榜南院張之國史補

千佛名經

唐張倬東之之孫數舉進士不第捧登科記頂上戴之曰此千佛名經撫言

宴名

宴名有九五曰櫻桃六曰月燈雜進士尤重櫻桃



宴櫻桃之熟和以糖酪撫言

大科頭小科頭

進士榜出便往期集院狀元請一人為錄事其餘主宴主酒主樂探花主茶之類主樂兩人一人主飲妓放榜後大科頭兩人第一部也小科頭一人第二部也常宴小科頭主之大宴大科頭主之上

探花宴

進士杏園初會謂之探花宴以少俊二人為探花使遍遊名園若他人先折得名花則二人被罰秦中記

榜花

唐大中以來禮部放榜有姓氏稀僻者曰榜花同上

題名

神龍以來杏園宴罷於慈恩寺塔下題名他時有將相則朱書之撫言

春關

得第謂之前進士俱捷謂之同年列姓名於慈恩寺謂之題名籍而入選謂之春關不捷而醉飽謂之打盹燥李肇國史補

建福門鼓動

新進士放榜翌日排建福門候謁宰相時有詩云華陽觀裏鐘聲起建福門前鼓動時即其日也南

泥金信

新進士及第以泥金貼子附家書謂之泥金信開元天寶遺事

燒尾宴

士人初登第必展歡宴謂之燒尾說者云虎化為人惟尾不化須得燒去乃化又說新羊入羣羊抵觸須燒其尾乃定又說魚躍龍門化為龍時必雷為燒其尾乃得化聞見錄

謝衣鉢

放榜後狀元以下到主司宅謝名曰謝衣鉢衣鉢謂得主司名第其或主司先人同名第即謝大衣鉢也據言

傳衣鉢

范質舉進士主文和凝愛其文以第十三登第謂質曰君之文宜冠多士屈居十三欲君傳老夫衣鉢也質以為美有獻詩云從此廟堂添故事登庸衣鉢亦相傳邵氏聞見錄

看盡長安花

孟東野登第詩曰春風得意馬蹄疾一日看盡長安花青箱雜記

龍門

交州記有龍門水深百尋大魚登此化成龍不得
過曝腮點額血流此水怕如丹池後漢地理志注
又謂龍門今在絳州後李膺傳注

龍虎榜

唐歐陽詹與韓愈李觀李絳崔羣王涯聯第進士
皆天下選時稱龍虎榜詹傳

巨鰲戴石

盧肇江西解末有謝啓云巨鰲負鼉首冠蓬山有
司怪其語荅曰頑石處山巨魚戴之非首冠耶摭言

槐花黃

諺云槐花黃舉子忙唐翁承贊詩雨中粧點望中
黃勾引蟬聲送夕陽憶得當年隨計吏馬蹄特特
爲君忙

雷起南山

呂蒙正微時於洛陽龍門利涉院與溫仲舒讀書
有詩曰八灘風急浪花飛手把漁竿傍釣磯自是
釣頭香餌別此心終待得魚歸又云怪得池塘春
水滿夜來雷雨起南山後狀元及第位至宰相邵氏聞見錄

呼狀元

韓持國知穎川府時彥以狀元及第唱稱狀元持
國怒曰狀元無官耶自此呼時簽判彥終身銜之

馬涓巨濟亦以狀元及第為秦簽亦呼狀元秦帥
呂晉伯曰狀元者及第未除也既為判官不可曰
狀元巨濟媿謝同上

白衣公卿

進士科始於隋大業盛於唐正觀其重謂之白衣
公卿其艱難謂之三十老明經五十少進士國史補

芙蓉鏡

唐李固言下第遊蜀遇一老姥與言郎君明年美
蓉鏡下及第明年果狀頭及第詩賦有人鏡芙蓉
之日所遇老姥金天神也酉陽雜俎

挽弓射狗

裴元質舉進士夜夢一狗從竇出挽弓射之其箭
遂擊以為不祥夢神解之曰苟弟字頤也弓者第
字身也箭者第字豎也有擊為弟也尋唱第朝野僉議

夢踐積木

孫屋夢積木數百踐其上自謂必作狀元居眾材
之上已而果然撫言

樹頭花塚中骨

胥偃應舉時夢徐將軍斬下頭項作詩云昔作樹
頭花今為塚中骨以為不祥明年徐奭榜第二人
及第南部新書

第三人

五代李慶顯德中舉進士工詩有云醉輕浮世事
老重故鄉人樞密使王朴以此一聯薦於申文炳
知舉遂為第三人 玉壺清話

第四人

張文景以古文馳名第四人登第不厭所望有詩
云驚天動地張文景只得南宮第四人 續歸田錄

第五人

唐崔偃試進士東都吳武陵謂偃曰公方為天子
求奇才敢獻所益因出袖中書偃讀之乃杜牧阿
房宮詞坐客皆驚武陵曰牧方試有司請以第一
人處之偃謝已得其人至第五偃未應問武陵勃
然曰不爾宜以賦見還偃曰如教牧果異等 武陵傳

第十三人

孟賓于湖湘連上人與李昉同擢第後昉寄賓于
詩曰初携書劍別湘潭金榜標名第十三昔日聲
名喧洛下只今詩句滿江南 江南野史

夢龍駱駝

丁咸序未第時夢乘龍而起回顧又有駱駝在後
二十年方捷殿榜出亞其名乃龍起次駱起因悟
夢 同上

崔公下過堂

唐張曙與崔昭緯同赴舉問卜者卜者殊不顧曙

曙有温色卜者曰郎君亦及第但崔家郎君拜相
當於此時過堂既而張果不第崔首冠曙以詩別
之曰千里江山陪驥尾五更風水失龍鱗昨夜浣
沙溪上雨綠楊芳草爲何人後七年崔大拜曙果
於裴公下及第於崔公下過堂撫言

六舉

孟賓于華山神卜玆有如一年乞一玆凡六擲得
上上大吉每年下第有詩今各舉一聯第一年云
蟾宮空手下澤國有誰來第二年云水國二親應
探榜龍門三月又傷春三年云仙島却回空說夢
清朝未達自嫌身四年云雲僧不見城中事問是
今年第幾人五年云因逢日者教重應忍被雲僧
勸却歸天福九年符下及第果六舉也郡國雅談

夢葬劉發

秦少游夢發殯而葬之者云是劉發之柩是歲發
首薦坡集

夢剃髭髯

李文定公迪美髭髯未御試前一夕夢被人剃其
髭髯俱盡迪惡之有解者曰秀才須作狀元緣今
歲省元是劉滋已替滋矣非元而何是歲果然第

一青箱雜記

斫頭留項

劉公沆天聖中辨裝赴省夢被人斫落頭甚惡之
人解曰狀元不到你只得第二人公誥曰雖斫却
頭留項在裏項沆劉留同音果第二人及第青箱記

席帽離身

國初猶襲唐士子皆曳袍重戴出則席帽自隨李
巽累舉不第鄉人曰李秀才不知甚時席帽離身
及第後乃遺鄉人詩曰當年蹤跡困泥塵不意乘
時亦化鱗為報鄉閭親戚道如今席帽已離身同上

造榜天

唐陸衰舉進士時方遷幸六月榜出甚暑李士轍
戲曰造榜天也譏衰進非其時也衰傳

新郎君

薛逢晚年厄於宦途策羸馬赴朝值新進士綴行
而出遊園所由數十人見逢行李蕭然前導曰回
避新郎君逢輾然遣介語曰莫貧相阿婆三五少
年時也曾東塗西抹來抹言又東坡送人殿試詩
雲龍山下試春衣放鶴亭前送落暉一色杏花三
十里新郎歸去馬如飛

收第若摘髭

佳句喧眾口考官敢取玃連年收科第若摘領下
髭韓退之詩

瘦馬番氈

唐太和八年放進士多貧士無名子作詩曰乞兒
還有大通年六十三人籠仗全薛庶準前騎瘦馬
范鄴依舊蓋番氈秦中記

紫軸緋氈

咸通中舉子車服太盛揚雲翼欲令騎驢時有詩
曰看看詔下盡騎驢紫軸緋氈滿九衢盧氏雜記

擇婿車

囊空不辨尋春馬眼亂行看擇婿車注尋春馬謂
孟郊春風得意馬蹄疾擇婿車謂唐進士開宴常
寄曲江亭其日公卿家縱觀鈿車珠鞅擲比而至
中東牀者十八九

鬱輪袍

唐王維素為岐王所知將應舉告王為地王令作
琵琶曲引至貴戚家自彈其曲曰鬱輪袍貴戚大
愛之王曰此非伶人乃能文之士遂為因緣是年
為舉首廣異記

列方物備充庭

通典武后長壽二年始令舉人獻歲列於方物前
以備充庭詩充庭切識蒼龍礎賜醴行沾白獸樽
丹桂五枝

竇禹鈞有子五人儀儼備侃仁俱登科馮道贈之
詩曰靈椿一枝老丹桂五枝芳古今詩話

子弟五人同及第

慶曆五年仁宗臨軒賜進士第詳議官祝諫侍廷
中男唐次諮季許及一壻皆擢第每唱一名祝即
稱謝是日諫五拜殿下仁宗嘉賞之 澠水燕談

喜子及第詩

御榜今朝至見名心始安爾能俱中第吾遂可休
官賀客留連飲家書反覆看世科雖不繼得慰二
親難張師錫年八十餘子弟及第遂有此詩 青箱雜記
試進士沿革

開寶六年因徐士廉伐鼓訟不公帝御講武殿覆
試御試自此始賜詩自興國二年呂蒙正榜始分
甲次自興國八年王世則榜始及第日賜袍笏自
祥符中姚暉榜始賜宴自呂蒙正榜始賜同進士
出身自王世則榜唱名自雍熙二年梁顥榜封彌
謄錄覆考編排皆始於祥符景德之間唐制禮部
試舉人夜以三鼓爲限本朝率用白晝不復繼燭
國朝事實

嘉祐文格

緬懷嘉祐初文格變已甚千金破全璧百訥收寸
錦調和椒桂釀咀嚼砂礫磳廣眉成半額學步歸
蹕蹠 東坡監試詩

庭試以策

呂公著知貢舉密奏曰天子臨軒策士而用詩賦非舉賢求治之意今來庭試乞出自宸衷唯以詔策咨訪治道自是上臨軒始以策試進士呂家傳

墨氈書榜

李紆侍郎放舉人命筆吏勒紙書榜未及填禮部貢院字吏得疾令史王昶亦善書詔令終其事值昶醉以氈筆染不能加墨迨明方覺字體濃淡相間反致其妍自後法之遂為故事賈魏公談錄又進士榜粘黃紙四張以淡墨氈筆書禮部貢院四字粘於榜首撫言

詔字如鴉

得意猶堪誇世俗詔黃新濕字如鴉東坡監試詩

日五色賦

李程試日五色賦破題云德動天鑒祥開日華擢為狀元後浩虛舟應宏詞後試此題程真浩愈於已馳一介取本觀破題云麗日焜煌中含瑞光程喜曰李程在裏撫言

錦標

盧肇黃頗皆宜春人同舉郡守獨餞頗明年肇狀元及第歸郡守會肇觀競渡肇即席作詩云報道是龍君不信果然奪得錦標歸太守大慚古今詩話

喜得陳傳

周師厚在鄭獬榜及第只壓得陳傳自賦詩云有
眼不堪看鄭獬回頭尤喜得陳傳朱定國詩

渡頭船

孟賓于獻主司詩云那堪雨後更聞蟬溪隔重湖
路九千憶昔故園揚柳岸全家送上渡頭船主司
見之自謂得之晚當年中第興國初歸連上古守
贈之詩末句曰今日還家莫惆悵不同初上渡頭
船雅言參述

破天荒

荊州人每歲解舉人多不成名號天荒解劉蛻以
荊州解及第號破天荒北夢瑣言

九肋舉人

盧肇赴舉先達問所從來曰某表民也先達曰表
出舉人耶表曰表之舉人亦猶沅江鱉甲九肋者
稀撫言

王俊民爲狀元

嘉祐中未御試京師傳王俊民爲狀元莫知言所
起及御試王荆公揚樂道爲詳定官舊制詳定官
不得立等荆公以覆考官所定第一人未當別取
一人爲狀元樂道以爲不可議論未決遂各以己
意進稟詔從荆公之請及發封乃王俊民也筆談
手搏爭狀元

太祖時王嗣宗與趙昌言爭狀元於殿前乃命二人手搏約勝者與之趙昌言髮禿嗣宗歐其僕頭墜地趨前曰臣勝之上笑以嗣宗為狀元陳水記

知貢舉

唐人知貢舉者有詩云梧桐葉落井亭陰鎖閉朱門試院深嘗是昔年辛苦地不將今日負初心後為下第者改為五言末云今日負初心山風齋記

先衣新衣

王拱辰與歐公同年進士文忠自監元省元赴廷試銳意魁天下明日當唱名備新衣一襲拱辰輒先衣以人文忠怪焉拱辰笑曰為狀元者當衣此

唱名果第一

邵氏後錄

五色雲

天聖五年仁宗試進士韓魏公名在第二時唱名第一甲方終太史奏曰五色雲見從官皆賀魏公家語

不在温飽

王曾青州發解及南省廷試皆為首冠中山劉子儀為翰林學士戲語之曰狀元試三場一生喫着不盡沂公正色答曰曾平生之志不在温飽東軒筆記

於休哉

揚大年為翰林學士適禮部院試天下士一日合鄉里待試者或云學士必持文衡幸預以教之大

年作色而入曰於休哉大年果知貢舉凡程文用於休哉者皆中選而當時坐中之客半不以爲意不用也 邵氏後錄

及第授官

正奏名第一甲賜進士及第第二甲同第三甲第四甲賜進士出身第五甲賜同進士出身特奏名第一等二名附前五甲餘並登仕郎第二等京府助教第三等上州文學第四等下州文學並郊第五等諸州助教進士第一人承事郎第二第三人文林郎第四第五人從事郎以下至第五甲並迪功郎 官品

月燈毬

唐進士開宴寄於曲江亭既撤饌則移樂泛舟又有燈閣打球之會故坡詩有曲江船舫月燈毬之句 坡詩注

文星暗

唐大中中天官奏云文星暗科場當有事後經三科盡覆試復落考官皆罰俸 朝野僉載

詩書麴蘖

詩書與我爲麴蘖醞釀老夫成縉紳 坡詩云

瞥見靈鰲

梅聖俞試館閣止得賜進士出身胡宿贈之詩曰

賦就甘泉客薦雄獨攀仙桂向秋風抽毫同上三
英坐換骨才爭第一功瞥見靈鰲居水下恍聞仙
犬吠雲中嫦娥應有怜才意唯許詩人到月宮

聖齋
廣錄

制科

仁宗天聖間從夏竦之奏增重制科之目於是自
賢良方正以下其科爲六自書判拔萃以下其科
爲四驗之以進策十卷先之以過閣六論薦之糾
之以臺諫

上書乞應制舉

夏英公以父沒王事受丹陽縣主簿上書乞應制
舉其略曰若陛下以枕流漱石爲達則臣世居市

方九二

一

井若陛下以金榜丹桂爲材則臣未忝科第若陛
下以鳩杖台背爲德則臣始踰弱冠若陛下以荷
戈控弦爲勇則臣生不綿歷若陛下令臣待詔公
車指陳時事猶可與漢唐諸生並驅較其先後真
廟再言賞激召赴中書試論六首一曰定四時別
九州聖功孰大論二曰考定明堂制度論三曰光
武二十八將功業先後論四曰九功九法爲國何
先論五曰舜無爲禹勤事孰優論六曰曾參何以
不列四科是歲應中制科

歸田錄

制科無登三等

宋興以來御試制科舉人無登三等者惟吳育第

三等餘皆四等除此則落之東軒筆錄

一舉三十年推恩

富鄭公當國立一舉三十年推恩之法蓋公與河南進士段希元魏升平同場屋相善公作相不欲私之故爲天下之制至今行之聞見錄

詩

丹霞照上三清路瑞錦裁成五色毫預想平生騰躍處龍律春碧浸仙桃鄭谷天上高高月桂叢分明四十一枝風滿懷春色向人動遮路亂花迎馬紅鶴馭迫飄雲雨外蘭亭不在管絃中居然盡是前賢事何必青樓倚碧空撫言載趙嘏一戰文場

拔趙旗便調金鼎佐無爲跋勅案前人到少築沙

堤上馬歸遲王仁裕閑思蓬島會神仙二百同年

最少年利市欄衫拋白紵風流名字寫紅牋歌樓

夜宴停銀燭柳巷春泥污錦鞵王禹偁折桂一枝

先許我穿楊三葉盡驚人樂天鶴使曉來華表上

分明說得帝都春門開閭闔星河在榜注神仙姓

字新韓持國春官南院院墻東曉色初明日色紅

文字一千重馬擁喜歡三十二人同眼看魚鱗辭

凡水心逐鷺飛弄曉風莫怪雲泥從此隔摠曾惆

悵去年中陳標桃花先過三層浪月桂高攀第一

枝閭苑更無前驟馬杏園都是後題詩男兒顯達

當如此蒲袖馨香天下知陳元老青雲隨步登華

榻紅雪飄香入杏園王禹偁綠袍不怕露痕濕走

入亂紅深處來朝來已與碧桃約留住東風不放

開鄭櫛三條燭盡鍾初散七轉丹成鼎未開才

唱第三條燭盡南宮風月盡難成韋承洗眼上林

看躍馬賀詩先到古宣城東坡新向月中攀桂後

更從天上領春回趙嘏名同夜月家家見聲逐春

雷處處聞傅翼三春省壁鶯遷榜一字天津馬渡

橋禹錫長樂遙聽上苑鍾彩衣稱慶桂香濃義山

下第

飲墨水

梁試進士不中程者飲以墨水又北齊選舉濫者

飲墨水一斗坡詩注

眼迷五色

李才叔為東坡客坡知貢舉才叔下第有詩云平

生謾說古戰場過眼還迷日五色王直方詩話

夢貼月飛

沈彬嘗夢着錦衣貼月飛識者謂身不入月不及

蝶夢入桐花

泉州劉昌言作下第詩云唯有夜來蝴蝶夢翩翩

飛入刺桐花青箱雜記

綱官

蜀人石揚休屢拔鄉薦常屈春官蜀人比之綱官
蓋謂牙校部士貢入京師只空歸也續歸田錄

不怨東風

高蟾未第有詩云天上碧桃和露種日邊紅杏倚
雲栽芙蓉生在秋江上不怨東風怨未開燕言

九泣都門月

曹鄴未第時詩云一辭巖桂叢九泣都門月年年
孟春至看花不如雪雅言參述

白臘明經

張鷟號青錢學士謂萬選萬中時有董方九舉不

第號曰白臘明經與鷟為對朝野僉載

打盹燥

進士籍而入選謂之春關不捷而飲謂之打盹燥燕言

白頭英雄

唐制進士科甚重其老死文場者亦無恨故有詩
云太宗皇帝真長策賺得英雄盡白頭國史補

宋五坦率

唐德宗微行西明寺宋濟寫巾方抄書上曰茶請
一坵濟曰鼎水方煎自可潑之上曰作何事業是
何姓名濟曰姓宋第五應進士舉須臾聞呼官家

濟惶懼上曰宋五坦率後聞禮部放榜上令探濟無名上曰宋五又坦率也

盧氏雜記

味如中酒

唐人下第詩氣味如中酒情懷似別人

坡注

下第集句

石曼卿下第集句云一生不得文章力欲上青天
未有因聖主不勞千里召嫦娥何惜一枝春鳳皇
詔下須沾命豺虎叢中也立身啼得血流無着處
朱衣騎馬是何人

西清詩話

又年去年來來去忙

為他人作嫁衣裳仰天大笑出門去獨對春風舞

一場

歸燕詩

唐章孝標下第為歸燕詩獻庾庾承宣云舊壘危
巢泥已落今年故向社前歸連天大厦無栖處更
傍誰家門戶飛庾得詩恨遺才期秋薦引庾果重
典禮曹章遂擢第

雲溪友議

孟浩然身

令狐楚知張祐錄其詩三百首表薦之值元稹在
內庭上問祐詩高下稹曰張祐彫蟲小巧恐變陸
下風雅由是失意祐以詩自悼云賀知章口徒勞
說孟浩然身更不疑

摭言

曾到蓬山

張漬陳商下狀元及第翰林覆落趙嘏以詩貽之
曰莫向春風訴酒盃謫仙真个是仙才猶堪與世
為祥瑞曾到蓬山頂上來撫言

羅隱詩

六載辛勤九陌中却尋岐路五湖東名懸桂苑一
枝綠膾憶松江蒲筋紅浮世到頭須適性男兒何
必盡成功唯應鮑叔深知我他日蒲帆百尺風南
楚新聞

花樣不同

盧仝不及第出都投逆旅有一人附火吟曰學織
錦綾工未多亂投機杼錯拋梭莫教官錦行家見
把似文章笑殺他因問之云舊隸宮錦坊近以薄
技投本行云如今花樣不同且東歸也盧氏雜記

文章罷生兒

胡曾下第詩云翰苑何時休嫁女文章早晚罷生
兒上林新桂年年發不許凡人折一枝

報羅使

進士放榜後至春關前須有一人謝世名日報羅
使言報大羅天也秦中雜記

白汗流

每聞科詔下白汗如流瀉

刀劍傷

孟郊下第詩棄置復棄置情如刀劍傷名賢詩話

與孤寒爭路

雍熙二年三月己未親試進士梁顥以下賜及第始唱名內有李宗諤宰相昉之子呂蒙亨參政呂蒙正之弟王紘鹽鐵使明之子許待問度支仲宣之子上曰斯並世家與孤寒爭路縱以藝升天下亦謂朕有私也並下第聖政編年

倒棚孩兒

苗振召試館職晏殊語之曰君久從仕必踈筆硯今將就試宜稍溫習振曰豈有三十年為老娘而倒棚孩兒者乎既而試澤宮選士賦押韻有王字振曰率土之濱莫非王由是不中選殊聞曰苗君竟倒棚却孩兒矣筆談



